

quae mihi tibique quondam adulescentulo est a P. Rutilio Rufo, Smyrnae cum simul essemus compluris dies, exposita, in qua nihil fere quod magno opere ad rationes omnium *(harum)* rerum pertineret praetermissum puto.

⁹ ⁵ Nam cum P. Africanus hic Pauli filius feriis Latinis
¹⁴ Tuditano cons. et Aquilio constituisset in hortis esse, familiarissimique eius ad eum frequenter per eos dies ventitatuos se esse dixissent, | Latinis ipsis mane ad ²⁷³ eum primus sororis filius venit Q. Tubero. quem cum ¹⁰ comiter SCIPIO adpellavisset libenterque vidisset, 'quid tu' inquit 'tam mane Tubero? dabant enim hae feriae tibi opportunam sane facultatem ad explicandas tuas litteras'. tum ille (TUB.): 'mihi vero omne tempus est ad meos libros vacuum; numquam enim sunt illi occupati; te autem permagnum est nancisci otiosum, hoc praesertim motu | rei publicae'. tum SCIPIO: 'atqui nac- ²⁷⁴ tus es, sed mehercule otiosiorem opera quam animo.' et ille (TUB.): 'at vero animum quoque relaxes oportet; sumus enim multi ut constituimus parati, si tuo modo fieri potest, abuti tecum hoc otio.' (SCIP.) 'libente me vero, ut aliquid aliquando de doctrinae studiis admoneamur.'

¹⁰ ¹⁵ Tum ille (TUB.): 'visne igitur, quoniam et me quodam modo invitas et tui spem das, hoc primum Africane | q. IIII